

Immersugassamut 3-mut ilitsersuut

Suliffissuaq pillugu paasissutissat (Aalisakkeriviit aamma tunitsiviit)

Suliffeqarfik pillugu paasissutissat

Suliffeqarfiup aqqa:

Uani suliffeqarfiup aqqa tamaat kiisalu suliffeqarfiup suunera s.i. A/S imaluunniit ApS allanneqassapput.

CVR nr.:

Uani CVR nr. allanneqassaaq. Suliffeqarfik Suliffeqarfinnut Qitiusumik Nalunaarsuiffimmit CVR normoqanngippat Inuussutissarsiummik Ingerlataqartunik Nalunaarsuiffimmit GER normu allanneqassaaq.

E-mail (uppernarsaammik nassiussivissaq):

Uani paasissutissanik nalunaarsimasutut uppernarsaatip nassiunneqarfissaa e-mail allanneqassaaq.

Paasissutissanik nalunaaruteqartup aqqa:

Kukkunersiuisup paasissutissanik nalunaaruteqartup aqqa tamaat kiisalu suliffeqarfiup aqqa.

Suliffissuaq pillugu paasissutissat

Illoqarfik/ nunaqarfik kommunilu suliffissuup inissisimaffia:

Uani suliffissuup inissisimaffia allanneqassaaq. S.i. Sisimiut, Qeqqata.

Siornatigut suliffissuup akia:

Uani suliffissuup aallaqqaataanit akia koruuninngorlugu allanneqassaaq, ilanngunneqassapput maskiinat, illuutit kiisalu suliffissuarmi alliliinermut pitsanngorsaanomullu aningaasartuutit. Ukiumut naatsorsuutit kingulliit naapertorlugit nalinga.

Suliffissuup naatsorsuutinut tunngatillugu nalinga:

Uani suliffissuup naatsorsuutinut tunngatillugu nalinga koruuninngorlugu allanneqassaaq, ilanngunneqassapput maskiinat, illuutit kiisalu suliffissuarmi alliliinermut pitsanngorsaanomullu aningaasartuutit. Ukiumut naatsorsuutit kingulliit naapertorlugit nalinga.

Sulisunut tunngatillugu paasissutissat

Suliffissuarmi sulisut amerlassusaat:

Uani ukiup naatsorsuusiortiusup iluani suliffissuarmi sulisut katillugit allanneqassapput.

Suliffissuarmi ukiumut sulisut naatsorsorneqarneri:

Uani suliffissuarmi ukiumut sulisut naatsorsorneqarneri katillugit allanneqassapput. Ukiumut sulisutut paasineqassaaq inuup ukioq tamaat sulisup aalajangiunneqarnikumik/ isumaqatigiissutigineqartumik nalinginnaasumik sulisarnerata annertussusia. Piffissap ilaannaani atorfillit ukiumut ukiup ataatsip pissarsiffiusup ingerlanerani sulinerat piffissaq tamaat sulisumut aalajangiunneqarnikumik/ isumaqatigiissutaanikut nalinginnarmik ukioq naallugu sulisumut pissarsiffiusimasumut ilaliullugu allanneqassaaq. Ukiumut sulineq sapaatip akunneranut 40 tiiminik, sapaatit akunnerini 52-ini ukiumoortumik 2080 tiiminik sivirususeqartutut naatsorsorneqarpoq. Assersuutigalugu inuttap ullormut marloriarluni 6 tiimit sapaatit akunnerini sisamani sulinera ima naatsorsorneqartarpoq. 8 tiimit x ullut 20 x qaammatit 8 -t = 0,165 ukiumi suliffiusoq.

Inummut akileraarut (Akileraarutit A-t), inuttat:

Uani suliffissuarmi sulisunut tamanut akissarsisitsineri akileraarutinut A-nut akilikkat katinneri koruuninngorlugit allanneqassapput.

Tunisassiorneq

Avammut tunisineq

Artinut agguarlugit avammut tunisinerup annertussusia:

Uani artit ataasiakkaat allatat avammut tunisat tonsinngorlugit allanneqassapput.

Artit allat:

Uani artit allat allatat avammut tunisat katillugit tonsinngorlugit allanneqassapput.

Nunatsinni niuerfimmut tunisassiat amerlassusaat

Artinut agguarlugit nunatsinni niuerfimmut tunisassiat amerlassusaat:

Uani artit ataasiakkaat allatat tunisassiarineqarsimasut amerlassusaat tonsinngorlugit allanneqassapput.

Artit allat:

Uani artit allat allatat tunisassiarisat katillugit tonsinngorlugit allanneqassapput.

Kaaviiartitat

Avammut tunisinermi nalinga

Artinut agguarlugit avammut tunisinerup nalinga:

Uani artit ataasiakkaat allatat avammut tunisat nalinga koruuninngorlugu allanneqassaaq.

Nunatsinni niuerfimmit kaaviiartitat

Artinut agguarlugit nunatsinni niuerfimmit kaaviiartitat:

Uani artit ataasiakkaat allatat nunatsinni niuerfimmi tunineqarnerini kaaviiartitat koruuninngorlugit allanneqassapput.

Kaaviiartitat allat

Ingerlatsinermi isertitat allat:

Uani avammut tunisinerup kiisalu nunatsinni niuerfimmi tunisinerup saniatigut ingerlatsinikkut isertitat allat koruuninngorlugit allanneqassapput.

Aningaasartuutit

Artinut agguarlugit tunisassiassanut aningaasartuutit:

Uani artit ataasiakkaat allatat tunisassiassat pisiarinerani aningaasartuutit koruuninngorlugit allanneqassapput.

Imermut, kiassarnermut innaallagissamullu agguarlugit nukissiuuteqarnermut aningaasartuutit:

Uani suliffissuarmik ingerlatsinermut atatillugu imermik atuinermut, kiassarnermik atuinermut innaallagissamillu atuinermut aningaasartuutit katillugit koruuninngorlugit allanneqassapput.

Akissarsiat:

Uani suliffissuarmi sulisut tamarmik akissarsiaanut, feeriaqarnersiutit ilanngullugit, aningaasartuutit koruuninngorlugit allanneqassapput.

Sulisunut aningaasartuutit allat:

Uani sulisut akissarsiaasa saniatigut sulisunut aningaasartuutit allat katillugit koruuninngorlugit allanneqassapput.

Aningaasartuutit allat:

Uani aningaasartuutit allat qulaani taaneqanngitsut katillugit koruuninngorlugit allanneqassapput.

Ataatsimoortumik suliffissuarmut aningaasartuutit agguarneqarneri:

Uani suliffeqarfik arlalinnik suliffissuaateqarpat suliffissuarnullu ataasiakkaanut toqqaannartumik ingerlatsinermi aningaasartuutit attavilerneqarsinnaanngippata, ataatsimoortumik aningaasartuutit agguarlugit koruuninngorlugit allanneqassapput. S.i. naatsorsueriaaseq alla atorneqarsinnaanngippat, suliffissuarnut marlunnut ataatsimoortumik aningaasartuutit 1/2-imik avinneqassapput. Allaffissami allanneqassapput aningaasartuutit suut ataatsimoortumik aningaasartuutininut ilaanersut.

Nalikilliliinernut, aningaasaliinermut naatsorsuutit akielraarnermullu inernerusut nalilerneqannginnerini inernerit:

Uani nalikilliliinernut, ernianit isertitat, ernianit aningaasartuutit ingerlatseqatigiiffiullu akileraarutaasa nalilerneqannginnerini suliffissuup sinneqartoorutai koruuninngorlugit allanneqassapput.

Nalikilliliinerit

Nalikilliliinerit:

Uani suliffissuarmut atatillugu nalikilliliinerit tamaasa koruuninngorlugit allanneqassapput.

Aningaasaliinermut naatsorsuutit akileraarnermullu inernerusut nalilerneqannginnerini inernerit:

Uani aningaasaliinermut naatsorsuutit akileraarnermullu inernerusut nalilerneqannginnerini suliffissuup sinneqartoorutai koruuninngorlugit allanneqassapput.